



Broj: 01-02-19821/25
Sarajevo, 06.05.2025. godine

Na osnovu člana 70. Zakona o organizaciji uprave u Federaciji Bosne i Hercegovine ("Službene novine Federacija BiH", broj 35/05), a u vezi sa članom 55. Zakona o prevenciji i suzbijanju korupcije u Kantonu Sarajevu ("Službene novine Kantona Sarajevo", broj 35/22, 44/22- Ispravka i 52/22- Ispravka) i članom 3. Uputstva za izradu i provođenje plana integriteta institucija javnog sektora u Kantonu Sarajevo ("Službene novine Kantona Sarajevo", broj 33/24), šefica Kabineta donosi

ODLUKU
o izradi Plana integriteta
Kabineta predsjedavajućeg i zamjenika predsjedavajućeg Skupštine Kantona Sarajevo

I

Ovom Odlukom utvrđuje se obaveza izrade i provođenja Plana integriteta Kabineta predsjedavajućeg i zamjenika predsjedavajućeg Skupštine Kantona Sarajevo (u daljem tekstu: Kabinet) u skladu sa Uputstvom za izradu i provođenje plana integriteta institucija javnog sektora u Kantonu Sarajevo i u skladu sa odredbama Zakona o prevenciji i suzbijanju korupcije u Kantonu Sarajevo.

II

Ovom Odlukom imenuju se članovi Radne grupe za izradu prijedloga Plana integriteta Kabineta (u daljem tekstu Radna grupa) u sastavu:

- Lejla Pleh Džaferagić, stručni savjetnik za opće i finansijske poslove
- Mediha Selimanović, stručni savjetnik za pravne poslove
- Edina Zukić, stručni saradnik za studijsko-analitičke poslove

III

Radna grupa je dužna izraditi prijedlog Plana integriteta Kabineta u skladu sa odredbama Zakona o prevenciji i suzbijanju korupcije u Kantonu Sarajevu ("Službene novine Kantona Sarajevo", broj 35/22, 44/22- Ispravka i 52/22- Ispravka) i Uputstva za izradu i provođenje plana integriteta institucija javnog sektora u Kantonu Sarajevo ("Službene novine Kantona Sarajevo", broj 33/24), a cijeneći cjelokupne procese u Kabinetu, te ga dostaviti rukovodiocu Kabineta najkasnije do 16.07.2025. godine.

IV

Radna grupa treba da o svakom održanom sastanku sačini zapisnik.

Radna grupa izrađuje i podnosi rukovodiocu Kabineta izvještaj o stanju integriteta u instituciji, koji se kreira na osnovu prethodnih analiza i procesa identifikacija rizika.

V

Radna grupa je dužna nakon okončanja svih aktivnosti dostaviti prijedlog Plana integriteta rukovodiocu Kabineta, koji isti upućuje Uredu za borbu protiv korupcije Kantona Sarajevo na procjenu.

VI

Stupanjem na snagu ove Odluke prestaje da važi Odluka broj: 01-02-44167/22 od 01.11.2022. godine.

VII

Odluka stupa na snagu danom donošenja.

Obrazloženje

Kabinet predsjedavajućeg i zamjenika predsjedavajućeg Skupštine Kantona Sarajevo je, u skladu sa Uputstvom za izradu i provođenje plana integriteta institucija javnog sektora u Kantonu Sarajevo broj 02-04-43099-19.1/22 od 20.10.2022. godine, usvojio Plan integriteta Kabineta predsjedavajućeg i zamjenika predsjedavajućeg Skupštine Kantona Sarajevo broj: 01-02-44167-4/22 od 06.12.2022.godine.

Vlada Kantona Sarajevo je na 50. sjednici održanoj 08.08.2024.godine donijela Zaključak kojim se usvaja Uputstvo za izradu i provođenje plana integriteta institucija javnog sektora u Kantonu Sarajevo broj 02-04-38911-22.1/24 ("Službene novine Kantona Sarajevo", broj 33/24) i stupanjem na snagu ovog Uputstva stavljeno je van snage prethodno Uputstvo.

S obzirom da je postojeći Plan integriteta izrađen u skladu sa odredbama Uputstva koje je stavljeno van snage, te da je Ured za borbu protiv korupcije Kantona Sarajevo aktom broj: 20-04-1559-54/25 od 16.04.2025. godine dao preporuku o izradi novog Plana integriteta a u cilju usklađivanja sa novim Uputstvom, šefica Kabineta donosi Odluku o izradi Plana integriteta Kabineta predsjedavajućeg i zamjenika predsjedavajućeg Skupštine Kantona Sarajevo.

Pripremila: Lejla Pleh Džaferagić [REDACTED]

Kontrolisala: Mediha Selimanović [REDACTED]

ŠEFICA KABINETA
[REDACTED]

Dostaviti:

- Članovima radne grupe
- Menadžeru integriteta
- Svim uposlenim u Kabinetu predsjedavajućeg i zamjenika predsjedavajućeg Skupštine Kantona Sarajevo
- Arhiva

07-05-2025

07-05-2025



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-044, Fax: + 387 (0) 33 562-210
Web: <http://skupstina.ks.gov.ba>, E-mail: aida.arap@skupstina.ks.gov.ba

2/3